



Tusagassiorfinnut nalunaarut Pressemeddelelse

Sukkortunut nerisassat peqqinnartut pillugit atuagassiaaraq kalaallisoortoq aammalu atuagassiap ”Meeraaqat 0-3-nik ukiullit aamma anaanat naartusut milutsitsisullu nerisassat” pillugit nutarsakkap ilanngunnera.

29.11.2006

Atuagassiaaraq Peqqinnissaqarfiup aammalu Dronning Ingrid-ip Napparsimaviata saqqummersippaat. ”Sukkortuuguit – nerisassat peqqinnartut”. Taanna qallunaat sukkortut peqatigiiffianniit saqqummersinneqarsimasoq aallaavigalugu suliarineqarpoq, kalaallillu atuagassarititaannut tulluarsarniarlugu nerisat pillugit ilinniarsimasumit suliarineqarsimaluni.

Postboks 1160
3900 Nuuk
Oq/tel +299 34 50 00
Fax +299 32 55 05
peqqip@gh.gl
www.nanoq.gl/peqqik

Ilumoorpoq nerisat pitsaassusaat, nerisanik katiterineq ullormullu nerisat agguataarlugit annertussusaat sukkortup inuuneranik annertuumik pitsanngorsaasinnaasut. Peqqinnartunik nerisaqarnerup ulluinnarni inuulluataarneq ajunngitsumik sunniuteqarfigisarpaa, nakorsaatinillu pisariaqartitsineq annikillisissinnaallugu.

Atuagassiaaqqami allaaserineqarnerupput nerisaqarnermut atatillugu siunnersuinermi pingaartinneqarnerpaasartut, assigiinnarpaat nerisaqarnermut innersuussutit qulit Nerisaqarnermut Siunnersuisoqatigiit saqqummersissimasaat. Aammattaaq atorluarneqarsinnaasunik assersuusiutitaqarpoq qanoq iliorluni nerisaniittoq orsoq ersinngitsoq nigorsimaneqarsinnaanersoq, neralunermilu aap sukkuunik suut aalajaatitsinnaanerpaa ju-nersut. Tassanissaaq ullormut timip aalatinnissaata pingaassusaa eqqaaneqarpoq.

Atuagassiaaraq assitalersugaavoq, ajornaatsumik illinnarpalaartumillu ulluinnarni ator- neqarsinnaanngorsagaalluni.

Saqqummersinneqarnerani NunaFonden aammalu Novo Nordisk Scandinavia tapersersuisimapput, PAARISA-lu aqqutigalugu decemberip aallartinnerani sineriammi napparsimavinni peqqissaaveqarfinnilu siammarterneqarumaarluni.

Atuagassiaaqqap siammarterneqarnerani ilanngullugu nutartesarneqarsimasoq saqqummiunneqarumaarpoq **”Meeraaqat 0-3-nik ukiullit aamma anaanat naartusut milutsitsisullu nerisassat”**

Atuagassiaaqqami atuarneqarsinnaapput meeqqap ukiui malillugit suut nerisinnaanera, suullu nereqqusaannginnerai. Saqqummersitaq timip aalaasiinik tunngasumik ilaqarpoq, tamanna aamma annertuumik meeqqap ineriartorneranut ilorrisimaarnissaanullu pingaaruteqarpoq.

Qallunaat Nunaanni Timersornermut Nerisaqarnermullu Siunnersuisoqatigiit innersuussutaat atorneqartarsimapput, aammalu Kalaallit Nerisaqarnermut Siunnersuisoqatigiit Nerisanut tunngatillugu innersuussutaat qulit ilanngunneqarsimallutik. Aammattaaq Kalaallit Nunaanniit Qallunaallu Nunaanniit meeqqanut nerisassat timigissarnerlu pillugit

ilisimasat nutaanersaat atorneqarsimapput.

Kalaallit Nunaanni susassaqaqatigiit assigiinngitsut nutaanngorlugu saqqummiuteqqin-
nissaanut siunnersuillutik peqataasarsimapput.

PAARISA aammalu NunaFonden saqqummersitsinermi tapersersortaasimapput

Uunga saaffiginnilluni annertunerusunik paasissutissanik pisoqarsinnaavoq:

Peqqissaavimmi nakorsat qullersaat aammalu Kalaallit Nunaanni Nerisaqarnermut

Siunnersuisoqatigiit siulittaasuat Gert Mulvad,

Nakorsiartarfik Nuuk sisamanngorneq 30. november 2006 nal. 13.00-miit 15.00-mut

oqarasuaammut: 34 44 81 imaluunniit 48 32 53.